

摘藻堂四庫全書薈要

子部

欽定四庫全書薈要

子部

荀子卷

十八至
二十

詳校官員外郎臣潘紹觀



欽定四庫全書薈要卷一萬一百三十九

子部

荀子卷十八

唐楊倞註

成相篇第二十五

以初發語名篇雜論君臣治亂之事以自見其意故下云託於成相以喻意漢

書

文志謂之成相雜辭蓋亦賦之流也或曰成功在

相故作成相三章舊第八今以是荀卿雜語故降在下

請成相

請言成相之辭

世之殃愚闇墮賢良

世之殃由於愚此愚闇以

重墮賢良也

人主無賢如瞽無相何俵俵

俵俵無所往貌相息亮反

墮許規反

張丑請布基慎聖人

慎讀為順請說陳布基業在乎順聖人也

愚而自專事

不治主忌苟勝羣臣莫諫必逢災

主既猜忌又苟欲勝人也

論臣過

反其施

言論人臣之過在乎不行施惠施式或反

尊主安國尚賢義拒諫飾

非愚而上同國必禍

所以尊主安國在崇尚賢義若拒諫飾非以愚闇之性苟合於上則

必禍也

曷謂罷國明多私

假設問答以明其意罷讀為疲謂弱不任事者也所以弱者由

於多私國語曰罷士無伍韋昭曰罷病也無行曰病

比周還主黨與施

還遠賢近

讒忠臣蔽塞主勢移曷謂賢明君臣

明君臣之道則為賢

上能尊

主愛下民主誠聽之天下為一海內賓主之孽讒人達

賢能遁逃國乃廢

孽災也廢顛覆也

愚以重愚闇以重闇成為

桀

久而愚闇愈甚遂至於桀也

世之災妬賢能飛廉知政任惡來

惡來

飛廉之子秦之先也史記曰惡來有

力飛廉善走父子俱以材力事紂 卑其志意大其園

圃高其臺榭

卑其志意言無遠慮不慕往古

武王怒師牧野紂卒易鄉

啟乃下

易鄉迴也謂前徒倒戈攻於後啓微子名下降也鄉請為向

武王善之封之

於宋立其祖

立其祖使祭祀不絕也左傳曰宋祖帝乙也

世之衰讒人歸比

干見剗箕子累

累讀為縲書曰釋箕子之囚

武王誅之呂尚招麾殷

民懷

招麾指揮也

世之禍惡賢士子胥見殺百里徙

子胥吳大夫伍

員字也為夫差所殺百里奚虞公之臣徙遷也謀不見用虞滅係虜遷徙於秦

穆公任之彊配

五伯六卿施

穆公秦穆公任好也伯讀為霸六卿天子之制春秋時大國亦借置六卿六卿施言

施六卿也世之愚惡大儒逆斥不通孔子拘

逆拒斥逐大儒不使通也拘謂

畏匡厄陳也

展禽三絀春申道綴基畢輸

展禽魯大夫無駭之後名獲字子禽

謚曰惠居於柳下三絀為士師三見絀也春申楚相黃歇封為春申君綴止也與較同畢盡也輸傾委也言春申為李園所殺其儒術政治道德基業盡傾覆委地也

請牧基賢者思

牧堯在萬

世如見之讒人罔極險陂傾側此之疑

陂與諛同言當疑此讒人傾險

也基必施辨賢罷

罷讀為疲

文武之道同伏戲

文武周文王武王伏戲古

帝王大昊氏始畫八卦造書契者戲與義同

由之者治不由者亂何疑為凡

成相辦法方至治之極復後王

後王當時之王言欲為至治在歸復後王謂隨

時設教不必拘於古法也

慎墨季惠百家之說誠不詳

慎到墨翟惠施或曰季即

莊子云季真之莫為者也又曰季子開而笑之據此則是梁惠王犀首惠施同時人也韓侍郎云或曰季梁也列子曰季梁楊朱之友言四子及百家好為異說故不用心詳明之詳或為祥治復一修之吉

君子執之心如結

言堅固不解也

衆人貳之讒夫弃之形是詰

衆人則不能復一讒夫則兼弃之但詰問治之形狀言侮慢也或曰形當為刑無德化唯刑戮是詰言虐暴也

水至平端不傾心術如此象聖人

聖人心平如水

而有執直而

用拙必參天

而有勢之上疑脫一字言既得權勢則度已以繩接人用拙功業必參天也

世

無王窮賢良

無王者興賢良窮困

梟人芻豢仁人糟糠禮樂滅息

聖人隱伏墨術行治之經禮與刑君子以修百姓寧明

德慎罰國爭既治四海平治之志後勢富

為治之意後權勢與富者

則公道行而貨賂息也

君子誠之好以待

君子必誠此意好以待用

處之敦固

有深藏之能遠思

敦厚也有讀為又既處之厚固又能深藏遠慮

思乃精志之

榮好而一之神以成

好而不二則通於神明也

精神相反一而不二

為聖人

相反謂反覆不離散

治之道美不老

老休息也莊子曰佚我以老為治當日新

其美無休息

君子由之佼以好

佼亦好也音絞

下以教誨子弟上以

事祖考

接下以仁事親以孝也

成相竭辭不廢

竭盡也論成相之事雖終篇無顛廢

之辭廢

君子道之順以達

道言說也辭既不廢君子言之必弘順而通達

宗其

音廢

賢良辨其殃孽

君子尋成相之辭必能宗其賢良以致治辨其殃孽為之害也

請成相

道聖王

道亦言說前章意未盡故再論之也

堯舜尚賢身辭讓許由善卷

重義輕利行顯明

莊子曰堯讓天下於許由許由不受又讓於子州支父子州支父曰我適

有幽憂之病方且治之未暇治天下也遂不受舜讓天下於善卷善卷不受遂入深山不知其處也堯讓

賢以為民

為萬民求明君所以不私其子

汜利兼愛德施均辯治上下

貴賤有等明君臣堯授能舜遇時尚賢推德天下治雖

有賢聖適不遇世孰知之

蓋以自歎

堯不德舜不辭

皆歸至公

妻

以二女任以事大人哉舜南面而立萬物備

委任羣下無為而理

舜授禹以天下

舜所以授禹亦以天下之故也

尚得推賢不失序

得當為德

外不避仇內不阿親賢者予

謂殛鯀與禹又不私其子予讀為與

禹勞心

力堯有德干戈不用三苗服舉舜眡畝任之天下身休

息

眡與畎同

得后稷五穀殖變為樂正鳥獸服

謂擊石拊石百獸率舞笙

鐘以間鳥獸蹢躅也

契為司徒民知孝弟尊有德禹有功抑下鴻

抑遏也下謂治水使歸下也鴻即洪水也書曰禹降水警予也

辟除民害逐共工

今尚書舜

流共工于幽州
此云禹未詳

北決九河通十二渚疏三江

案禹貢道弱黑漾流

淮渭洛七水又有雍湍伊洛澠澗既入于河
數則不止於十二此云十二未詳其說也

禹溥土平

天下

溥讀為敷孔安國云洪水泛溢禹分布治九州之土也

躬親為民行勞苦

行讀

如字謂所行之事也

得益臯陶橫革直成為輔

橫革直成未聞韓侍郎云此論益臯陶

之功橫而不順理者革之直者成之也

契玄王生昭明

詩曰天命玄鳥降而生商又曰玄王

桓撥皆謂契也史記曰契為堯司徒封於商賜姓子氏契卒子昭明立也

居於砥石遷于商

砥石地名未詳所在或曰即底柱也左氏傳曰閼伯居商丘相土因之相土昭明子也言契初居砥石至孫相

土乃遷

十有四世乃有天乙是成湯

史記曰契卒子昭明立昭明卒子相

土立相土卒子昌若立昌若卒子曹圉立曹圉卒子冥
立為夏司空勤其官死於水殷人郊之冥卒子振立振
卒子微立微卒子報丁立報丁卒子報乙立報乙卒子
報丙立報丙卒子主壬立主壬卒子主癸立主癸卒子
乙立是十
四世也 天乙湯論舉當身讓卞隋舉牟光

莊子曰湯讓天下於

卞隋務光二人不受
皆投水死牟與務同

道古賢聖基必張

道說古之賢聖基業必張大也

願陳辭世亂惡善不此治

不知治比世亂惡善之弊

隱諱疾賢良由

姦詐鮮無災

隱諱過惡疾害賢良長用姦詐少無災也

患難哉阪為先聖

阪與

反同反先

知不用愚者謀前車已覆後未知更何覺時

前車已覆猶不知戒
更何有覺悟之時也

不覺悟不知苦迷惑失指易上下

中不上達蒙揜耳目塞門戶

不能關四門也

門戶塞大迷惑悖

亂昏莫不終極

莫冥冥言闇也終極無已時也

是非反易比周欺上

惡正直

惡烏路反下同

正直惡心無度邪枉辟回失道途

辟讀為僻

已無尤人我獨自美豈獨無故

故事也不可尤責於人自美其身已豈無事已

亦有事而不知其過也或曰下無獨字

不知戒後必有恨

恨悔也

後遂過不

肯悔

不肯悔前之非

讒夫多進反覆言語生詐態人之態不如

備

如當為知言人為詐態上不知為備

爭寵嫉賢利惡忌

利在惡忌賢者

妬功毀

賢下歛黨與上蔽匿

歛聚也下聚黨與則上蔽匿也

上壅蔽失輔勢

失輔

弼之臣則任用讒夫不能制孰公長父之難孰公長父皆厲王之

嬖臣未詳其姓名墨子曰厲王染於緇公長父即詩所云

緇公與孰公不同未知孰是或曰孰公長父即詩所云

皇父也孰厲王流于玁玁地名在河東左傳晉大夫有

或為郭厲王流于玁玁子言孰公長父奸邪遂使難

作厲王流周幽厲所以敗不聽規諫忠是害嗟我何人

竄於玁

獨不遇時當亂世言自古忠良多有過害何欲秉對言

不從表誠也欲誠意以對時恐為子胥身離凶進諫不

君恐言不從而遇禍也

聽到而獨鹿棄之江獨鹿與屬鏤同本亦或作屬鏤吳

王夫差賜子胥之劍名屬之欲反

鏤力朱反國語里革曰鳥獸成水蟲孕水虞於是乎禁

罟麗此當是自剄之後盛以罟麗弃之江也賈云罟麗

也小器觀往事以自戒治亂是非亦可識託於成相以喻

意

識如字亦讀如志

請成相言治方

言為治之方術

君論有五約以明

君謹守之下皆平正國乃昌

論為君之道有五甚簡約明白謂臣下職一也君法

明二也刑稱陳三也言有節四也上通利至莫敢恣五也

臣下職莫游食

游食謂不勤於事素

食游手也

務本節用財無極事業聽上莫得相使一民力

所興

事業皆聽於上羣下不得擅相役使則民力一也禮記曰用民之力歲不過三日

守其職足衣

食

民不失職則衣食足矣

厚薄有等明爵服

貴賤有別

利往邛上莫得

擅與孰私得

利之所往皆仰於上莫得擅為賜與則誰敢私得於人乎擅相賜與若齊田氏然邛

與仰同
宜亮反
君法明論有常

君法所以明在言論有常不二三也

表儀既設民

知方進退有律莫得貴賤孰私王

進人退人皆以法律貴賤各以其才孰有

私佞於王乎

君法儀禁不為

為君之法儀在自禁止不為惡

莫不說教名不

移

既能正已則民皆悅上之教而名器不移也說讀為悅

修之者榮離之者辱孰

他師

孰敢以他為師言皆歸王道不敢離貳也

刑稱陳守其銀

稱謂當罪當罪之法施陳

則各守其分限稱尺證反銀與垠同

下不得用輕私門

下不得專用刑法則私門自輕

罪

禍有律莫得輕重威不分

禍亦罪也

請牧祺明有基

祺吉也請牧治

吉祥之事在明其所有之基業

主好論議必善謀五聽修領莫理續主

執持

五聽折獄之五聽也修領謂修之使得綱領莫不有文理相續主自執持此道不使權歸於下也

聽之經明其請

請當為情聽獄之經在明其情

參伍明謹施賞刑

參伍猶錯

雜也謂或往參之或往伍之皆使明謹施其賞刑言精研不使有借濫也

顯者必得隱者復

顯民反誠

幽隱皆通則民不詐偽也

言有節稽其實

節謂法度欲使民言有法及不

欺誑在稽考行實也

信誕以分賞罰必下不欺上皆以情言明若

日上通利隱遠至

上通利不壅蔽則幽隱遐遠者皆至也

觀法不法見不

視

所觀之法非法則雖見不視也

耳目既顯吏敬法令莫敢恣

此已上論君有

五之事也君教出行有律

五論之教既出則民所行有法言知方也

吏謹將之無

鈹滑

將持也詩曰無將大車鈹與披同滑與汨同言不使紛亂披汨也

下不私請各以

宜舍巧拙

請謁舍止也羣下不私謁各以所宜不苟求也如此則以道事君巧拙之事亦皆止

臣

謹修君制變

臣職在謹修君職在制變

公察善思論不亂以治天下

後世法之成律貫

法之為條貫也

賦篇第二十六

所賦之事皆生人所切而時多不知故特示之或曰荀卿所賦甚多今存者唯

此言也舊第二十二今亦降在下

爰有大物

爰於也言於此有大物夫人之大者莫過於禮故謂之大物也

非絲非帛文

理成章

絲帛能成黼黻文章禮亦然也

非日非月為天下明生者以壽

死者以葬城郭以固三軍以彊粹而王馭而伯無一焉

而亡臣愚不識敢請之王

言禮之功用甚大時人莫知故荀卿假為隱語問於先王

云臣但見其功亦不識其名唯先王能知敢請辭之先王因重演其義而告之也

王曰此文

而不采者與

先王為解說曰此乃有文飾而不至華采者歟

簡然易知而致

有理者與君子所敬而小人所不者與性不得則若禽

獸性得之則甚雅似者與

雅正也似謂似續古人詩曰維其有之是以似之

匹

夫隆之則為聖人諸侯隆之則一四海者與致明而約

甚順而體請歸之禮

極明而簡約言易知也甚順而有體言易行也先王言唯歸於禮乃

合此禮
義也

皇天隆物以示下民

隆猶備也
物萬物也

或厚或薄帝不齊均

言人

雖同見方所知或多厚或寡薄天帝或不能齊均也

桀紂以亂湯武以賢昏昏淑

淑皇皇穆穆

昏昏思慮昏亂也淑淑未詳或曰美也
皇皇穆穆言緒之美也言或愚或智也周

流四海曾不崇日

崇充也言智周流四海
曾不充滿一日而遍也

君子以修跖

以穿室

跖柳下惠之弟太山之盜也君子用智以修身跖用智以穿室皆帝不齊均之意也

大參

乎天精微而無形

言智慮大則參天
小則精微無形也

行義以正事業以

成

皆在智也
行下孟反

可以禁暴足窮百姓待之而後寧泰

足窮
謂使

窮者足也百姓待君上之智而後安寧泰當為泰寧

臣愚而不識願問其名曰此

夫安寬平而危險隘者也

言智常欲就利遠害

修潔之為親而雜

汙之為狄者耶

智修潔則可相親若雜亂穢汙則與夷狄無異言險詐難近也

甚深藏

而外勝敵者耶法禹舜而不能揜迹者耶

揜行

為動靜

待之而後適者耶血氣之精也志意之榮也

精靈榮華

百姓

待之而後寧也天下待之而後平也明達純粹而無疵

也夫是之謂君子之知

此論君子之智明小人之智不然也

知

有物於此居則周靜致下動則綦高以鉅

居謂雲物發在地時周密

也鉅圓者中規方者中矩言滿天地大參天地德厚堯

禹參為天地相似雲所以致雨生精微乎毫毛而盈大

乎宇宙寓與宇宙同言細微之時則如毫毛其廣大時則

方上下為宇上大參天地此又云盈大宇忽兮其極之

遠也擻兮其相逐而反也擻與劇同擻兮分判貌言雲

相逐而還於印印兮天下之咸蹇也印印高貌雲高而

難德厚而不捐五采備而成文捐棄也萬物或美或惡

往來惛憊通于大神惛憊猶晦暝也通于大神言變化

不測也憊困也人困目亦昏暗故

惛憊為
晦瞑也

出入甚極莫知其門

極讀為亟急也
門謂所出也

天下失之

則滅得之則存

雲所以成雨也

弟子不敏此之願陳君子設辭

請測意之

弟子荀卿自謂言弟子不敏願陳此事不知何名欲君子設辭請測其意亦言雲之功德

唯君子乃明知之也

曰此夫大而不塞者與

雲氣無實故曰不塞

充盈太宇

而不窕入却穴而不偏者與

窕讀為窾深貌也言充盈則滿太宇幽深則入却

穴而曾無偏側不容也窾他弔反

行遠疾速而不可託訊者與

訊書問也行遠

疾速宜於託訊今雲者虛無故不可本或作託訓或曰與似續同也言雲行遠疾速不可依託繼續也

往

來惛憊而不可為固塞者與

雖往來晦瞑掩蔽萬物若使牢固蔽塞則不可也

暴至殺傷而不億忌者與

億謂以意度之論語曰億則屢中或曰與抑同謂雷建震

怒殺傷萬物曾不億度疑忌言果決不測也

功被天下而不私置者與

天下同被

其功曾無所私託地而游宇友風而子雨

風與雲並行故曰友雨因

雲而生故曰子冬日作寒夏日作暑

在冬而凝寒在夏而蒸暑也

廣大精神

請歸之雲

至精至神通於變化唯雲乃可當此說也

雲

雲所以潤萬物人莫之知故於此具明也

有物於此倏倏兮其狀屢化如神

倏倏讀如其蟲倏之倏倏無毛羽之貌變

化即謂三術三起成蛾蛹之類

功被天下為萬世文

文飾禮樂以成貴賤

以分養老長幼待之而後存名號不美與暴為隣

侵暴者亦

取名於蠶食故功立而身廢事成而家敗是身廢絲窮

而繭盡是家敗弃其耆老收其後世耆老蛾也後世種也人屬所利飛鳥

所害人屬則保而用之飛鳥則害而食之臣愚而不識請占之五帝占驗也五

帝少昊顓頊高辛唐虞理皆務本深知蠶之功大故請驗之也帝占之曰此夫身女好

而頭馬首者與女好柔婉也其頭又類馬首周禮馬質禁原蠶者鄭玄云天文辰為馬故蠶書

曰蠶為龍精月值大火則浴其種是蠶與馬同氣也屢化而不壽者與善壯而拙

老者與壯得其養老而見殺有父母而無牝牡者與為蠶之時未有牝牡也

冬伏而夏游食桑而吐絲遊謂化而出也前亂而後治繭亂而絲治也

夏生而惡暑

生長於夏先暑而化

喜溼而惡雨

溼謂浴其種既生之後則惡雨也

蛹以為母蛾以為父

互言之也

三俯三起事乃大已

俯為卧而不食

事乃大已言三起之後事乃畢也謂化而成繭也

夫是之謂蠶理

五帝言此乃蠶之義理也

蠶

蠶之功至大時人鮮知其本詩曰婦無公事休其蠶織戰國時此俗尤甚故荀卿感而賦也

有物於此生於山阜處於室堂

山阜鐵所出也

無知無巧善治

衣裳

知讀為智

不盜不竊穿窬而行日夜合離以成文章

合離

謂使離者相合文章亦待其連綴而成也

以能合從又善連衡

從豎也于容反衡橫也言

歲亦能如戰國合從連衡之人南北為從東西為衡也

下覆百姓上飾帝王功業

甚博不見賢良

見猶顯也。不自顯其功伐，見賢遍反。

時用則存，不用則亡。

順時行藏。

臣愚不識，敢請之王。王曰：「此夫始生鉅其成功小。」

者耶？」

為鐵則鉅，為箴則小。

長其尾而銳其剝者耶？」

長其尾謂線也，剝末也，謂箴之

鋒也。莊子曰：「有實而無乎處者，宇也。」有長而無本剝者，宙也。剝，杪末之意。匹，小反。

頭銛達而剝

趙繚者耶？」

重說長其尾而銳其剝。趙讀為掉，掉繚長貌。言箴掉尾而繚也。掉音徒弔反。

一往一

來結尾以為事。

結其尾線然後行箴。

無羽無翼，反覆甚極。

極讀為亟，亟急。

也。尾生而事起，尾遘而事已。

尾遘迴盤結則箴功畢也。

簪以為父管

以為母

簪形似箴而大，故曰為父。言此者欲狀其形也。管所以盛箴，故曰為母。禮記曰：「箴管線纈也。」

既以縫表又以連裏夫是之謂箴理

理義也

箴

古者貴賤皆有事故

王后親織玄紵公侯夫人加之以紵紵大夫妻成祭服士妻衣其夫末世皆不修婦功故託辭於箴明其為物微而用至重以譏當世也

天下不治請陳侂詩

荀卿請陳侂異激切之詩言天下不治之意也

天地易位

四時易鄉

皆言賢愚易位也鄉猶方也春夏秋冬皆不當其方言錯亂也鄉如字

列星殞

墜旦暮晦盲

列星二十八宿有行列者墜墜以喻百官弛廢旦暮晦盲言無聰明時也或曰當時

星辰墮墜旦暮昏霧也

幽晦登昭日月下藏

言幽闇之人登昭明之位君子明如日月

反下藏也

公正無私反見從橫

公正無私之人反見謂從橫反覆之志也

志

愛公利重樓疏堂

欲在上位行至公以利百姓非謂重樓疏堂之榮貴也

無私罪

人慙革貳兵

慙與敵同備也貳副也謂無私罪人言果於去惡也言去邪嫉惡乃以敵備增益兵

革之道言彊盛也

道德純備讒口將將

將去也言以讒言相退送或曰將將讀為鏘鏘

進貌仁人紂約教暴擅彊

紂退窮約

天下幽險恐失世英

天下幽暗

凶險如此必恐螭龍為螻蛄梟為鳳皇

說文云螭如龍而黃北方

謂之地螻蛄守宮言世俗不知善惡螭龍之聖反謂之螻蛄梟之惡反以為鳳皇也

比干見剗

孔子拘匡昭昭乎其知之明也郁郁乎其遇時之不祥

也拂乎其欲禮義之大行也閤乎天下之晦盲也

郁郁有文

章貌拂違也此蓋誤耳當為拂乎其過時之不祥也
也郁郁乎其欲禮義之大行晦盲言人莫之識也 皓天

不復憂無疆也千歲必反古之常也

皓與昊同昊天言氣昊大也呼昊天

而訴之云世亂不復憂不可竟也復自解釋
云亂久必反於治亦古之常道千或為卒

弟子勉學

天不忘也

言天道福善故曰不忘恐弟子疑為善無應而懈惰故以此勉之也

聖人共手

時幾將矣

共讀為拱聖人拱手言不得用也幾辭也將送也去也言戰國之時世事已去不可復治

也與愚以疑願聞反辭

反辭反覆叙說之辭猶楚詞亂曰弟子言當時政事既與愚反

疑惑之人故更願以亂辭叙之也

其小歌也

此下一章即其反辭故謂之小歌總論前意也 念

彼遠方何其塞矣

遠方猶大道也

仁人紉約暴人衍矣

衍饒也

忠

臣危殆讒人服矣

服用也本或作讒人服矣服樂也音盤

璇玉瑤珠不知

佩也

說文云璇赤玉瑤美玉也孔安國曰瑤美石言不知以此四寶為佩說文云璇音瓊雜布與

錦不知異也

雜布麤布

閭姬子奢莫之媒也

閭姬古之美女後語作明姬楚

詞七諫謂閭姬為醜惡蓋一名明姬漢書音義韋昭曰

閭姬梁王魏嬰之美女子奢當為子都鄭之美人詩曰

不見子都蓋都字誤為奢耳後語作子

都莫之媒言無人為之媒也姬子子反

喜也

嫫母醜女黃帝時人刁父未詳喜悅也

以盲為明以聾為聰以危為

安以吉為凶嗚呼上天曷維其同

言惑亂如此故歎而告上天曷維其同言

何可與之同也後語作曷其與同此章即遺春申君之賦也

荀子卷十八

欽定四庫全書會要卷一萬一百四十

子部

荀子卷十九

唐楊倞註

大略篇第二十七

此篇蓋弟子雜錄荀卿之語皆略舉其要不可以一事名篇故總謂之大

略也舊第

二十七

大略

舉其標首所以起下文也

君人者隆禮尊賢而王重法愛民而霸好

利多詐而危欲近四旁莫如中央故王者必居天下之中禮

也

此明都邑居土中之意不近偏旁居中央取其朝貢道里均禮也言其禮制如此

天子外屏諸侯

內屏禮也外屏不欲見外也內屏不欲見內也

屏猶蔽也屏謂之樹鄭康

成云若今浮思也何休注公羊云禮天子諸侯臺門天子外闕兩觀諸侯內闕一觀禮天子外屏諸侯內屏大夫以簾士以帷倮謂不欲見內不察泉中魚之義也諸侯召其臣臣不俟駕顛倒衣裳而走

禮也詩曰顛之倒之自公召之天子召諸侯諸侯輦輿就馬

禮也

輦謂人輓車言不暇待馬至故輦輿就馬也

詩曰我出我車于彼牧矣自天

子所謂我來矣

詩小雅出車之篇毛云出車就馬於牧地鄭云有人自天子所謂我來矣謂以王命召已

也此明諸侯奉上之禮也

天子山冕諸侯玄冠大夫裨冕士韋弁禮也

山冕

謂畫山於衣而服冕即衮冕也蓋取其龍則謂之衮冕取其山則謂之山冕鄭注周禮司服云古冕服十二章衣五

章初一日龍次二曰山次三曰華蓋次四曰火次五曰宗彝皆畫裳四章次六曰藻次七曰粉米次八曰黼次九曰黻皆繡鄭注觀禮云裨之言卑也天子六服大裘為上其餘為裨以事尊卑服之諸侯亦服焉上公衮無升龍侯伯鷩子男毳孤締卿大夫玄鄭云大夫裨冕蓋亦言裨冕止於大夫士已下不得服也韋弁謂以爵韋為鞞而載弁也玉藻曰韋

君朱大夫素士爵韋也

天子御珽諸侯御荼大夫服

笏禮也

御服皆器用之名尊者謂之御卑者謂之服御者言臣下所進御也珽大珽長三尺杼上終葵

首謂剡上至其首而方也荼古舒字玉之上圓下方者也鄭康成云珽然無所屈也荼讀如舒遲之舒儒者所

畏在

天子彫弓諸侯彤弓大夫黑弓禮也

彫謂彫畫為文飾彤弓朱

弓此明貴賤服御之禮也諸侯相見卿為介

相見謂於鄰地為會介副也聘義卿為上摯大

夫為承攬君親禮賓言主君見聘使則以卿為上擯出會則以卿為上介也

以其教出畢行

教謂戒令畢行謂羣臣盡行從君也

使仁居守

使仁厚者主後事春秋傳一子守二子從此明諸侯

出疆之禮又穀梁傳曰智者慮義者行仁者守然後可以會矣

聘人以珪問士以璧召

人以瑗絕人以玦反絕以環

聘人以珪謂使人聘他國以珪璋也問謂訪其國事

因遺之也衛侯使工尹襄問子貢以弓是其類也說文云瑗者大孔璧也爾雅好倍肉謂之瑗肉倍好謂之璧禮記曰君召臣以三節周禮珍珪以徵守鄭云以徵召守國之諸侯若今徵郡守以竹使符也然則天子以珍珪召諸侯諸侯召臣以瑗歟玦如環而缺肉好若一謂之環古者臣有罪待放於境三年不敢去與之環則還與之玦則絕皆所以見意也反絕謂反其人主仁心設將絕者此明諸侯以玉接人臣之禮也

焉知其役也禮其盡也故王者先仁而後禮天施然也

人主根本施設在仁其役用則在智盡善則在禮聘禮志天施天道之所施設也此明為國以仁為先也

曰幣厚則傷德財侈則殄禮禮云禮云玉帛云乎哉

志記

也言玉帛禮之末也禮記曰不以美沒之禮也詩曰物其指矣唯其偕矣不時

宜不敬交不驩欣雖指非禮也

詩小雅魚麗之篇指與旨同美也偕齊等也時

謂得時宜謂合宜此明聘好輕財重禮之義也水行者表深使人無陷治民者

表亂使人無失禮者其表也先王以禮表天下之亂今

廢禮者是去表也故民迷惑而陷禍患此刑罰之所以

繁也

表標志也此明為國當以禮示人也

舜曰維予從欲而治

虞書舜美臯陶之辭

言臯陶明五刑故舜得從欲而治引之以喻禮能成聖亦猶舜賴臯陶也

故禮之生為賢人

以下至庶民也非為成聖也然而亦所以成聖也不學

不成

禮本為中人設然聖人不學亦不成也

堯學於君疇舜學於務成昭

禹學於西王國

君疇漢書古今人表作尹壽又漢藝文志小說家有務成子十一篇昭其名也

尸子曰務成昭之教舜曰避天下之逆從天下之順天下不足取也避天下之順從天下之逆天下不足失也

西王國未詳所說或曰大禹生於西羌西王國西羌之賢人也新序子夏對哀公曰黃帝學于大填顓頊學于

錄圖帝學于赤松子堯學于尹壽舜學于務成禹學于西王國湯學于成子伯文王學于時子思武王學于

郭叔此明聖人亦資於教也

五十不成喪七十唯衰存

不成喪不備哭踊之節衰

存但服練麻而已其禮皆可略也禮記曰七十唯衰麻在身也

親迎之禮父南鄉而立

子北面而跪醺而命之往迎爾相成我宗事

鄭云相助也宗事宗

廟之事也隆率以敬先妣之嗣若則有常

儀禮作勗率鄭云勗勉也若汝也勉

率婦道以敬其為先妣之嗣也汝之行則當有常深戒之詩云大如嗣徽音

子曰諾惟恐不

能敢忘命矣

子言惟恐不能勉率以嗣先妣不敢忘父命也

夫行也者行禮之

謂也

所以稱行禮也者在禮也

者貴者敬焉老者孝焉長者弟焉

幼者慈焉賤者惠焉

惠亦賜也言行禮如此五者則可為人之行也

賜予其宮

室猶用慶賞於國家也忿怒其臣妾猶用刑罰於萬民

也

宮室妻子也此明能治家則以治國也

君子之於子愛之而勿面使之

而勿貌導之以道而勿彊

面貌謂以顏色慰悅之不欲施小惠也故易家人曰有嚴

君焉勿彊不欲使其愧也此語出曾子

禮以順人心為本故亡於禮經而

順人心者背禮者也

禮記曰禮也者義之實也協諸義而協則禮雖先王未之有可以義

起禮之大凡事生飾驩也送死飾哀也軍旅飾威也不可

太質故親親故故庸庸勞勞仁之殺也

庸功也庸庸勞勞謂稱其功勞

以報有功勞者殺差等也皆仁恩之差也殺所介反

貴貴尊尊賢賢老老長長義

之倫也

倫理也此五者非仁恩皆出於義之理也

行之得其節禮之序也

仁行

義得其節則是禮有次序也

仁愛也故親義理也故行禮節也故成

非仁不親非義不行雖有仁義無禮以節之亦不成

仁有里義有門

里與門皆謂禮也里所以

安居門所以出入

仁非其里而虛之非禮也義非其門而由之

非義也

虛讀為居聲之誤也仁非其里義非其門皆謂有仁義而無禮也

推恩而不理

不成仁

仁雖在推恩而不得其理則不成仁謂若有父子之恩而無嚴敬之義也

遂理而不

敢不成義

雖得其理而不敢行則不成義義在果斷故曰非知之艱行之惟艱

審節而不

知不成禮

雖能明審節制而不知其意也知或為和

和而不發不成樂

雖和順積

中而英華不發於外無以故曰仁義禮樂其致一也

言四

者雖殊同歸於得君子處仁以義然後仁也

仁而能斷

行義

中故曰其致一也

雖能斷而不違

制禮反本成末然後禮

也

反復也本謂仁義末謂禮節謂以仁義為本終成於禮節也

三者皆通然後道也

通明三者然後為道貨財曰賻輿馬曰賵衣服曰祔玩好曰贈玉

貝曰含

此與公羊穀梁之說同玩好謂明麗琴瑟笙等之屬何休曰此皆春秋之制也賻猶覆也賵猶

助也皆助生送死之禮祔猶遺也遺是助賻賵所以佐

死者之禮也知生則賵賻知死則祔含

賻賵所以佐

生也贈祔所以送死也送死不及柩尸弔生不及悲哀

非禮也

皆謂葬時

故吉行五十犇喪百里賙贈及事禮之大

也

既說予贈及事因明犇喪亦宜行遠也禮記犇喪日行百里不以夜行

禮者政之輓也

如輓車然

為政不以禮政不行矣天子即位上卿進曰如之

何憂之長也能除患則為福不能除患則為賊授天子

一策

上卿於周若冢宰也皆謂書於策讀之而授天子深戒之也天下安危所繫其憂甚遠長問何以治

之能為天下除患則百福歸之不能則反為賊害策編竹為之後易之以玉為也

中卿進曰配

天而有下土者先事慮事先患慮患先事慮事謂之接

接讀為捷速也中卿若宗伯也

接則事優成先患慮患謂之豫豫則禍

不生事至而後慮者謂之後後則事不舉患至而後慮

者謂之困困則禍不可禦授天子二策

禦禁也二策第二策

下卿

進曰敬戒無怠慶者在堂弔者在閭

下卿若司寇也慶者雖在堂弔者已

在門言相襲之速閭門也

禍與福鄰莫知其門

言同一門出入也賈誼曰憂喜聚門

豫

哉豫哉萬民望之授天子三策

豫哉言可戒備也三策第三策

禹見耕

者耦立而式過十室之邑必下

兩人共耕曰耦論語曰長沮桀溺耦而耕十室

之邑必有忠信故下之也殺大蚤朝大晚非禮也

殺謂田獵禽獸也禮記曰天子殺則

下大綏諸侯殺則下小綏大夫殺則止佐車蚤謂下先上也又曰朝辨色始入殺太蚤謂陵犯也朝太晚為懈

弛也或曰禮記曰獮祭魚然後漁人入澤梁豺祭獸然後田獵先於此為蚤也又曰田不以禮是暴天物也

治民不以禮動斯陷矣平衡曰拜下衡曰稽首至地曰

稽顙

平衡謂磬折頭與腰如衡之平禮記平衡與此義殊

大夫之臣拜不稽首非

尊家臣也所以辟君也

辟讀為避

一命齒於鄉再命齒於族

三命族人雖七十不敢先

一命公侯之士再命大夫三命卿也鄭註禮記曰此皆鄉

飲酒時齒謂以年次坐若立也禮記曰三命不齒族人雖七十者不敢先言不唯不與少者齒老者亦不敢先

也上大夫中大夫下大夫

此覆一命再命三命也一命惟公侯之士子男之大夫也

故曰下吉事上尊喪事尚親

吉事朝廷列位也喪事以親者為主禮記曰以服之

精麤君臣不得不尊父子不得不親兄弟不得不順夫

婦不得不驩少者以長老者以養不得謂不得聖人之禮法驩與歡同故

天地生之聖人成之聘問也享獻也私覲私見也使大

以珪璋聘所以相問也聘享奉束帛加璧享所以有獻也享畢賓奉束帛以請覲所以私見也聘享以賓禮見

私覲以臣禮見故曰私見鄭注儀禮云享獻也既聘又獻所以厚恩意也言語之美穆穆皇

皇爾雅曰穆穆敬也皇皇正也郭璞云皇皇自修正貌穆穆容儀謹敬也皆由言語之美所以威儀修飾或

曰穆穆美也皇皇有光朝廷之美濟濟鎗鎗鎗與踰同濟濟多士

貌踰踰有為人臣下者有諫而無訕有亡而無疾有怨

行列貌

而無怒

諺上曰訕亡去也疾與嫉同惡也怨謂若公弟叔盼衛侯之弟鱄怒謂若慶鄭也

君於

大夫三問其疾三臨其喪於士一問一臨諸侯非問疾

弔喪不之臣之家

之往也禮記曰諸侯非問疾弔喪而入諸臣之家是謂君臣為讎也既

葬君若父之友食之則食矣不辟梁肉有酒醴則辭

鄭云

尊者之前可以食美變於顏色亦不可也

寢不踰廟設衣不踰祭服禮也

謂制

度精麗設宴也

易之咸見夫婦

易咸卦艮下兌上艮為少女故曰見夫婦也

夫

婦之道不可不正也君臣父子之本也

易說卦曰有天地然後有男女

有男女然後有夫婦有夫婦然後有父子有父子然後有君臣故以夫婦為本

咸感也以高下

下以男下女柔上而剛下

陽唱陰和然後相成

聘士之義親迎之

道重始也

聘士謂若安車束帛重其禮也迎魚敬反

禮者人之所履也失所

履則顛蹙陷溺所失微而其為亂大者禮也禮之於正

國家如權衡之於輕重也如繩墨之於曲直也故人無

禮不生事無禮不成國家無禮不寧和樂之聲

此言珮之聲

和樂人心也

步中武象趨中韶護

珮玉之聲緩則中武象速則中韶護禮記曰古之君

子必珮玉右徵角左宮羽趨以采齊行以肆夏是其類也或曰此和樂謂在車和鸞之聲步驟之節也

君

子聽律習容而後士

君子在位者之通稱禮記曰既服習容觀玉聲聽律謂聽珮聲使中

音律也言威儀如此乃可
為士士者修立之名也
霜降逆女冰泮殺內十日一

御此蓋誤耳當為冰泮逆女霜降殺內故詩曰士如歸
妻迨冰未泮殺減也內謂妾御也十日一御即殺內

之義冰泮逆女謂發生之時合男女也霜降殺內謂閉
歲之時禁嗜慾也月令在十一月此云霜降荀卿與呂

氏所傳聞異也鄭云歸妻謂請期也冰未泮正月
中以前二月可以成昏禮故云冰泮逆女殺所介反坐

視膝立視足應對言語視面
儀禮士相見云子視父則
遊目無上於面無下於帶

若不言立則視足坐則視膝
鄭云不言則伺其行起而已立視前六尺而大之六六

三十六三丈六尺
蓋臣於君前視也近視六尺自此而
廣之雖遠視不過三丈六尺曲禮曰

立視五雋彼在車
上故與此不同也文貌情用相為内外表裏
貌謂威儀

情謂中誠用謂語言質
文相成不可偏用也

禮之中焉能思索謂之能慮禮

者本末相順終始相應禮者以財物為用以貴賤為文

以多少為異

並解於禮論篇

下臣事君以貨中臣事君以身上

臣事君以人

貨謂聚斂及珍異獻君身謂死衛社稷人謂舉賢也

易曰復自道何

其咎

易小畜卦初九之辭復返也自從也本雖有失返而從道何其咎過也

春秋賢穆公

以為能變也

公羊傳曰秦伯使遂來聘遂者何秦大夫也秦無大夫此何以書賢穆公也何賢乎

穆公以為能變也謂前不用蹇叔百里之言敗於崤函而自變悔作秦誓詢茲黃髮是也

士有妒友

則賢交不親君有妒臣則賢人不至蔽公者謂之昧隱

良者謂之妒

掩閉公道謂之暗昧

奉妒昧者謂之交謫

交通於謫詐之人相

成為惡也

交謫之人妒昧之臣國之歲孽也

歲與穢同孽妖孽言終為國之

災害也

口能言之身能行之國寶也口不能言身能行之

國器也

如器物雖不言而有行也

口能言之身不能行國用也

國賴其言

可用也

口言善身行惡國妖也治國者敬其寶愛其器任

其用除其妖不富無以養民情

衣食足知榮辱

不教無以理民

人性惡故須教

故家五畝宅百畝田務其業而勿奪其時所

以富之也

宅居處也百畝一夫田也務謂勸勉之也孟子曰五畝之宅樹之以桑五十者可以衣帛

矣百畝之田無失其時
八口之家可以無飢矣

立大學設庠序修六禮明十教

所以導之也詩曰飲之食之教之誨之王事具矣

禮記曰六

禮冠昏喪祭鄉相見十教即十義也禮記曰父慈子孝
兄良弟悌夫義婦聽長惠幼順君仁臣忠十者謂之仁

義導謂教導之也
也十或為七

武王始入殷表商容之閭釋箕子之囚

哭比干之墓天下鄉善矣

表築旌之言武王好善天下鄉之孔安國曰商容殷賢人

紂所取退也

天下國有俊士世有賢人

天下之國皆有俊士每世皆有賢人也

迷者不問路溺者不問遂亡人好獨

以喻雖有賢俊不能用也所以迷由

於不問路溺由於不問遂亡由於好獨遂謂
徑隧水中可涉之徑也獨謂自用其計也

詩曰我言

維服勿以為笑先民有言詢于芻蕘言博問也

詩大雅板之篇

毛云芻蕘薪者也鄭云服事也我之所言乃今之急事汝無笑也

有法者以法行無法

者以類舉

皆類於法而舉之也

以其本知其末以其左知其右凡

百事異理而相守也

其事雖異其守則一謂若為善不同同歸於理之類也

慶賞

刑罰通類而後應

通明於類然後百姓應之謂賞必賞功罰必罰罪不失其類也

政教

習俗相順而後行

順人心然後可行也

八十者一子不事九十者

舉家不事廢疾非人不養者一人不事父母之喪三年

不事齊衰大功三月不事從諸侯不

不當為來謂從他國來或君之人入

采與新有昏暮不事

古者有喪昏皆不事所以重其

子

謂子家駒續然大夫不如晏子

子孔子謂言也子家駒魯公子慶之孫公孫歸

父之後名羈駒其字也續言補續君之過不能興功用故不如晏子也

晏子功用之臣也

不如子產

雖有功用不如子產之恩惠也

子產惠人也不如管仲

雖有恩惠

不如管仲之才略也

管仲之為人力功不力義力知不力仁

雖九合諸

侯一匡天下而不全用仁義也野人也不可以為天子大夫

言四子皆類郊野之

人未浸漬於仁義故不可為王者佐

孟子三見宣王不言事門人曰曷為

三遇齊王而不言事孟子曰我先攻其邪心

以正色攻去邪心乃

可與公行子之之燕孟子公行子有子之喪右師往弔言也趙岐云齊大夫也子之蓋其先也

遇曾元於塗曰燕君何如曾元曰志卑言不求遠大也曾元曾參之子

志卑者輕物事物輕物者不求助不求賢以自輔苟不求助何能

舉既無輔助必不勝任矣氏羗之虜也謂見俘掠不憂其係壘也而憂

其不焚也壘讀為累氏羗之俗死則焚其屍今不憂虜獲而憂不焚是愚也呂氏春秋曰憂其死而

不焚夫秋豪害靡國家然且為之幾為知計哉靡披靡也利夫

秋豪之細其害遂披靡而來及於國家言不恤其大而憂其小與氏羗之虜何異幾辭也或曰幾讀為豈今

夫亡箴者終日求之而不得其得之非日益明也昨而

見之也心之於慮亦然

眸謂以眸審視之也言心於思慮亦當反覆盡其精妙如眸子

之求
箴也

義與利者人之所兩有也雖堯舜不能去民之欲

利然而能使其欲利不克其好義也

克亦
勝也

雖桀紂亦不

能去民之好義然而能使其好義不勝其欲利也故義

勝利者為治世利克義者為亂世上重義則義克利上

重利則利克義故天子不言多少諸侯不言利害大夫

不言得喪

皆謂言
財貨也

士不通財貨

士賤雖得言之亦不
得買遷如商賈也

有

國之君不息牛羊

息繁
育也

錯質之臣不息雞豚

錯置也質
讀為贄孟

子曰出疆必載質蓋古字通耳置贄謂執贄而置於君
士相見禮曰士大夫奠贄於君再拜稽首禮記曰畜馬
乘不察於雞豚或曰置質猶言委質也
言凡委質為人臣則不得與下爭利
冢卿不修幣大

夫不為場園

冢卿上卿不修幣謂不修財幣貶息之也
治稼穡曰場樹蔬菜曰園謂若公儀子不

奪園夫女
子之利也

從士以上皆羞利而不與民爭業樂分施而

耻積藏然故民不困財貧窶者有所竄其手

竄容也容
集其手而

力作

文王誅四武王誅二周公卒業至成康則案無誅

已

並解在仲尼篇言周公終王業猶不得無誅伐至成
康然後刑措也重引此者明不與民爭利則刑罰省

也

多積財而羞無有

羞

重民任而誅不能

使民不能勝
任而復誅之

此邪行之所以起刑罰之所以多也上好羞則民閭飾

矣

好羞貧而事奢侈則民閭自修飾也

上好富則民死利矣二者亂之衢

也

衢道

民語曰欲富乎忍恥矣傾絕矣絕故舊矣與義分

背矣

忍恥不顧廉恥傾絕謂傾身絕命而求也分背如人分背而行

上好富則人民之

行如此安得不亂湯旱而禱曰政不節與使民疾與何

以不雨至斯極也

疾苦

宮室榮與婦謂盛與何以不雨至

斯極也

榮盛謂請也婦謂盛謂婦言是用

苞苴行與讒夫興與何以不

雨至斯極也

貨賄必以物苞苴故總謂之苞苴興起也鄭注禮記曰苞苴裹魚肉者或以葦或以

茅天之生民非為君也天之立君以為民也故古者列

地建國非以貴諸侯而已列官職差爵祿非以尊大夫

而已

差謂制等級也

主道知人臣道知事

人謂賢良事謂職守

故舜之治

天下不以事詔而萬物成

不以事詔告但委任而已謂若使禹治水不告治水之方

略農精於田而不可以為田師工賈亦然以賢易不肖

不待卜而後知吉以治伐亂不待戰而後知克

無人禦敵故知

必齊人欲伐魯忌卞莊子不敢過卞

卞魯邑莊子卞邑大夫有勇者

晉

人欲伐衛畏子路不敢過蒲

蒲衛邑子路蒲宰杜元凱云蒲邑在長垣縣西南

不知而問堯舜

好問者則無不知故可比聖人也

無有而求天府

知無而求

之是有天府之富

先王之道則堯舜已

問先王之道則可為堯舜

六貳之博

則天府已

求財於六貳之博得之不窮故曰天府天府天之府藏言六貳之博可以得貨財先王之

道可以為堯舜故以喻焉六貳之博則六博也王逸注楚辭云投六箸行六棊故曰六博今之博局亦二六相

對君子之學如蛻幡然遷之

如蟬蛻也幡與翻同

故其行效其立

効其坐効其置顏色出辭氣効

効放也置措也言造次皆學而不捨也

無

留善

有善即行無留滯也

無宿問

當時即問不俟經宿

善學者盡其理善行

者究其難

非知之難行之惟難故善行之者事究其難

君子立志如窮

似不能通

變雖天子三公問正以是非對至尊至貴對之唯君子

隘窮而不失不失道而勞倦而不苟不苟免也臨患難而不忘

細席之言

尸子子夏曰君子漸於飢寒而志不僻銑於五兵而辭不懼臨大事不忘昔席之言昔席

蓋昔所踐履之言此細亦當讀為昔或曰細席講論之席臨難不忘素所講習忠義之言漢書王吉諫昌邑曰廣厦之下歲不寒無以知松柏事不難無以知君子無

細旃之上

日不在是

無有一日不懷道所謂造次必於是也

雨小漢故潛

未詳或曰爾雅云漢

為潛李巡曰漢水溢流為潛今云雨小漢故潛言漢者本因雨小水溢觸而成至其盛也乃溢為潛矣言自小

至大夫盡小者大積微者著德至者色澤洽行盡而聲

聞遠

色澤洽謂德潤身行下孟反

小人不誠於內而求之於外言而

不稱師謂之畔

畔者倍之半也

教而不稱師謂之倍

教人不稱師其罪重

故謂之倍倍者反逆之名也

倍畔之人明君不內朝士大夫遇諸塗

不與言不足於行者說過

言說太過故行不能副也

不足於信者誠

言

數欲誠實其言故信不能副君子所以貴行不貴言也

故春秋善胥命而詩非

屢盟其心一也

春秋魯桓公三年齊侯衛侯胥命于蒲公羊傳曰相命也何言乎相命近正也

古者不盟結言而退又詩曰君子屢盟亂是用長言其一心而相信則不在盟誓也

善為詩者

不說善為易者不占善為禮者不相其心同也

皆言與理冥會

者至於無言說者也
相會入為贊相也

曾子曰孝子言為可聞行為可見

發言使人可聞不詐妄也立行
使人可見不苟為斯為孝子也

言為可聞所以說遠也

行為可見所以說近也近者說則親遠者說則附親近

而附遠孝子之道也

說皆請為悅近親遠附則毀辱無由及親也

曾子行晏

子從於郊曰嬰聞之君子贈人以言庶人贈人以財嬰

貧無財請假於君子贈吾子以言

假於君子謙辭也晏子先於孔子曾子之

父猶為孔子弟子此言送曾子豈好事者為之歟

乘輿之輪大山之木也示諸

隱括三月五月為櫛棗敬而不反其常

皆言車之材也示讀為寘隱括

矯揉木之器也言實諸槩栝或三月或五月也情柔未
詳或曰案讀為留謂轂輿輻也言矯揉直木為牙至於
轂輻皆敝而規曲不反其初所謂三材不失職也周禮
考工記曰望其轂欲其眼也進而眡之欲其情之應也
鄭云情胃轂之革也革急則木應隅見考工記又曰案
其蓄蚤不轔則輪雖弊不匡鄭云蓄謂輻入轂中者蚤
讀為爪爪謂輻入牙中者也晏子春秋曰今夫
車輪山之直木良匠揉之其圓中規雖有槁暴不復虧
矣

君子之槩栝不可不謹也慎之

為移其性故不可慢

蘭芷藁本

漸於蜜醴一佩易之

雖皆香草然以浸於甘醴一玉佩方可易買之言所漸者美而加貴

也佩或為倍謂其一倍也漸浸也

正君漸於香酒可讒

而得也

雖正直之君其所漸染如香之於酒則讒邪可得而入言甘醴變香草之性甘言變正君之性

或為美或為惡皆在其所漸染也

君子之所漸不可不慎也人之於文

學也猶玉之於琢磨也詩曰如切如磋如琢如磨謂學

問也和之璧井里之厥也玉人琢之為天子寶

和之璧楚人卞

和所得之璧也井里里名厥也未詳或曰厥石也晏子春秋作井里之困也

子贛季路故鄙

人也被文學服禮義為天下列士學問不厭好士不倦

是天府也

言所得多

君子疑則不言未問則不立道遠日益

矣

未曾學問不敢立為論議所謂不知為不知也為道久遠自日有所益不必道聽塗說也此語出自子

多知而無親博學而無方好多而無定者君子不與

無親

不親師也方法也此皆謂雖廣博而無師法也

少不諷壯不論議雖可未成也

諷謂就學諷詩書也言不學雖有善質未為成人也

君子壹教弟子壹學亟成

壹專

壹也亟急也巳力反

君子進則能益上之譽而損下之憂

進任損減不

能而居之誣也無益而厚受之竊也

誣君竊位

學者非必為

仕而仕者必如學

往如

子貢問於孔子曰賜倦於學矣願

息事君

息休

孔子曰詩云溫恭朝夕執事有恪事君難

事君焉可息哉

詩商頌那之篇

然則賜願息事親孔子曰詩云

孝子不匱永錫爾類事親難事親焉可息哉

詩大雅既醉之篇毛

云匱竭也類善也言孝子之養無有匱竭之時故天長賜以善也

然則賜願息於妻子

孔子曰詩云刑于寡妻至于兄弟以御于家邦妻子難

妻子焉可息哉

詩大雅思齊之篇刑法也寡德之妻言賢也御治也言文王先立禮法於其妻

以至于兄弟然後治于家邦言自家刑國也

然則賜願息於朋友孔子曰詩

云朋友攸攝攝以威儀朋友難朋友焉可息哉

亦既醉之篇毛

云言相攝佐者以威儀也

然則賜願息耕孔子曰詩云晝爾于茅宵

爾索綯亟其乘屋其始播百穀耕難耕焉可息哉

詩幽七月

之篇于茅往取茅也綯絞也亟急也乘屋升屋治其弊漏也

然則賜無息者乎孔子

曰望其墉皐如也填如也鬲如也此則知所息矣

墉丘
壠皐

當為宰宰冢也宰如高貌填與填同填如謂土填塞也鬲謂革絕於上列于作宰如填如鬲如張湛注見其墳壤高

異則知息子貢曰大哉死乎君子息焉小人休焉國風

之好色也傳曰盈其欲而不愆其止

好色謂閨雎樂得淑女也盈其欲謂

好仇寤寐思服也止禮也欲雖盈滿而不敢過禮求之此言好色人所不免美其不過禮也故詩序云閨雎樂

得淑女以配君子憂在進賢不淫其色其誠可比

於金石其聲可內於宗廟

其誠以禮自防之誠也比於金石言不愛也其聲可內於

宗廟謂以樂章播八音奏於宗廟鄉飲酒禮合樂周南關雎葛覃詩序閨雎后妃之德風之始也所以風化天

下故用之鄉人焉用之邦國焉既云小雅不以於汙上

自引而居下

以用也汙上驕君也言作小雅之人不為驕君所用自引而疏遠也

疾今之

政以思往者其言有文焉其聲有哀焉

小雅多刺幽厲而思文武言有

文謂不鄙陋聲有哀謂哀以思也

國將興必貴師而重傳貴師而重傳

則法度存國將衰必賤師而輕傳賤師而輕傳則人有

快人肆其意

人有快則法度壞古者匹夫五十而士

禮四十而仕五

十而後爵此云五十而士恐誤或曰為卿士也

天子諸侯子十九而冠冠而聽

治其教至也

十九而冠先於臣下一年也雖人君之子猶年長而冠冠而後聽其政治以明教至

然後治事不敢輕易

君子也者而好之其人

有君子之質而所好得其人謂得賢師也

其人也而不教不祥

善

非君子而好之非其人也

既無君子

之質又所好非其人

非其人而教之齋盜糧借賊兵也

若使不善人教非君

于是猶資盜賊之兵糧為害滋甚不如不教也齋與資同兵五兵也

不自嫌其行者言濫

過

嫌足也謂行不足也所以不足其行者由於言辭汎濫過度也

古之賢人賤為布衣

貧為匹夫食則饘粥不足衣則豎褐不完然而非禮不

進非義不受安取此

豎褐僮豎之褐亦短褐也言賢人雖貧窮義不苟進安取此言過而

行不副之事也

子夏貧衣若縣鶉人曰子何不仕曰諸侯之驕

我者吾不為臣大夫之驕我者吾不復見柳下惠與後

門者同衣而不見疑非一日之聞也

柳下惠魯賢人公
子展之後名獲字

禽居於柳下謚惠季其伯仲也後門者君子守後門至
賤者子夏言昔柳下惠衣之弊惡與後門者同時人尚
無疑怪者言安於貧賤渾跡而人不知也非一日之聞言聞之久矣爭利如蚤甲而喪其

掌

蚤與爪同言仕亂世驕
縱得小利終喪其身也

君人者不可以不慎取臣

匹夫者不可以不慎取友友者所以相有也

有與友同
義相友謂

不使
喪亡道不同何以相友也均薪施火火就燥平地注水

水流溼夫類之相從也如此之著也以友觀人焉所疑

察其友則可以知人之善惡不疑也

取友求善人不可不慎是德之基也

取友求善人不可不慎是德之基本言所以成德也

詩曰無將大車維塵冥冥言

無與小人處也

詩小雅無將大車之篇將猶扶進也將車賤者之事塵冥冥蔽人目明令無所

見與小人處亦然也

藍苴路作似知而非

未詳其義或曰苴讀為姐慢也趙蕤注長短經

知人篇曰姐者類智而非智或讀為姐伺也才野反

懦弱易奪似仁而非

仁者不爭而與

物故懦弱易奪者似之易奪無執守之謂也

悍戇好鬪似勇而非

悍兇戇也丁

絳仁義禮善之於人也辟之若貨財粟米之於家也多

有之者富少有之者貧至無有者窮故大者不能小者

不為是弃國損身之道也凡物有乘而來乘其出者是

其反者已

反覆也出去也凡乘勢而去者皆是物之還反也言善惡皆所自取也

流言滅

之貨色遠之禍之所由生也生自纖纖也是故君子蚤

絕之

流言謂流轉之言不定者也滅亦絕也凡禍之所由生自纖纖微細故君子早絕其萌此語亦出曾

子言之信者在乎區蓋之間

區藏物處蓋所以覆物者凡言之可信者如物在器

皿之間言有分限不流溢也器名區者與丘同義漢書儒林傳唐生褚生應博士弟子選試誦說有法疑者丘

蓋不言丘

疑則不言未問則不立

重引此兩句以明之知者明於

事達於數不可以不誠事也

誠忠誠言不可以虛妄事知者

故曰君子

難說說之不以道不說也

說並音悅

語曰流丸止於甌與流

言止於智者

甌與皆瓦器也揚子方言云陳魏楚宋之間謂塋為與甌與謂地之坳坎如甌與者

也或曰甌與窠下之地史記曰甌窠滿溝汙邪滿車渠

也窠力侯反汙烏孤反

此家言邪學之所以惡儒者也

家言謂偏見自成一

家之言若宋墨者

是非疑則度之以遠事驗之以近物參之以

平心流言止焉惡言死焉

參驗之至則流言息死猶盡也鄭康成云死之言漸漸猶

消盡也

曾子食魚有餘曰泔之門人曰泔之傷人不若與

之泔與與皆烹和之名未詳其說

曾子泣涕曰有異心乎哉傷其聞之

晚也

曾子自傷不知以食餘之傷人故泣涕深自引過謝門人曰吾豈有異心故欲傷人哉乃所不知也

言此者以識時人飾非自是恥言不知與曾子異也無用吾之所短遇人之所長

遇當也言已才藝有所短宜自審其分不可彊欲當人所長而爭也故塞而避所短移而

從所仕疏知而不法察辯而操僻勇果而亡禮君子之

所憎惡也

塞掩也移就也仕與事同事所能也言掩其不善務其所能也疏通也察辯而操僻謂隱

察其辯所操之事多言而類聖人也
邪僻也操七刀反
應萬變故多類謂皆當其類而無乖

越此聖人也少言而法君子也多言無法而流喆然雖辯小

人也
詰當為酒非十二子篇有此語此當同或曰當為楷也國法禁拾遺惡民

之串以無分得也

串習也古患反

有夫分義則容天下而治無

分義則一妻一妾而亂天下之人唯各特意哉然而有

所共予也

特意謂人殊意予讀為與

言味者予易牙言音者予師曠言

治者予三王

易牙齊桓公宰夫知味者師曠晉平公樂師知音者

三王既已定法

度制禮樂而傳之有不用而改自作何以異於變易牙

之和更師曠之律無三王之治天下不待亡國不待死

言不

暇有所待而死亡速之甚也更工衡反

飲而不食者蟬也不飲不食者蜉

蝥也

蜉蝥渠略朝生夕死蟲也言此者以喻人既飲且食必須求先王法略為治不得苟且如蜉蝣輩也

虞舜孝已孝而親不愛比干子胥忠而君不用仲尼顏

淵知而窮於世劫迫於暴國而無所辟之

辟讀為避言賢者不過時

危行言遜

則崇其善揚其美言其所長而不稱其所短也惟

惟而亡者誹也

惟讀為唯以矣反唯唯聽從之貌常聽從人而不免亡者由於退後即誹謗也

博而窮者訾也清之而俞濁者口也

已解於榮辱篇

君子能為

可貴不能使人必貴已能為可用不能使人必用已

修德

在已所誥誓不及五帝

誥誓以言辭相戒約也禮記曰約信曰誓又曰殷人作誓而民

始盟詛不及三王

蒞牲曰盟謂殺牲歃血告神以盟約也

交質子不及五

伯此言後世德義不足雖要約轉深猶不能固也伯讀曰霸穀梁傳亦有此語

荀子卷十九

欽定四庫全書蒼齋要卷一萬一百四十一子部

荀子卷二十

唐楊倞註

宥坐篇第二十八

此已下皆荀卿及弟子所引記傳雜事故總推於未

孔子觀於魯桓

公之廟有歌器焉

春秋哀公三年桓宮僖宮災公羊傳曰此皆毀宗廟也其言災何復立也或曰三桓

之祖廟歌器傾歌易覆之器

孔子問於守廟者曰此為何器守廟者曰此

蓋為宥坐之器

宥與右同言人君可置於坐右以為戒也說苑作坐右或曰宥與侑同勸也天子曰三皇

五帝有勸戒之器名侑庖注云歌器也

孔子曰吾聞宥坐之器虛則歌中則正

滿則覆孔子顧謂弟子曰注水焉弟子挹水而注之

挹酌中而

正滿而覆虛而歌孔子喟然而嘆曰吁惡有滿而不覆者哉

子路曰敢問持滿有道乎孔子曰聰明聖知守之以愚功被

天下守之以讓勇力撫世守之以怯

撫掩也猶言蓋世也

富有四海守之

以謙此所謂挹而損之道也

挹亦退也挹而損之猶言損之又損

孔子為魯

攝相朝七日而誅少正卯

為司寇而攝相也朝謂聽朝也

門人進問曰夫少

正卯魯之聞人也夫子為政而始誅之得無失乎

聞人

謂有名為人所聞知者也始誅先誅之也孔子曰居吾語汝其故人有惡者

五而盜竊不與焉一日心達而險二日行辟而堅三日

言偽而辯四日記醜而博五曰順非而澤

心達而險謂心通達於事

而凶險也辟讀為僻醜謂怪異之事澤有潤澤也

此五者有一於人則不得免

於君子之誅而少正卯兼有之故居處足以聚徒成羣

言談足以飾邪營衆彊足以反是獨立此小人之桀雄

也不可誅也

營讀為熒熒衆惑衆也彊剛愎也反是以非為是也獨立人不能傾之也是

以湯誅尹諧文王誅潘止周公誅管叔太公誅華仕管

仲誅付里乙子產誅鄧析史付

韓子曰太公封於齊東海上有居士狂喬華仕

昆弟二人立議曰吾不臣天子不友諸侯耕而食之掘而飲之吾無求於人無上之名無君之祿不仕而事力太公使執而殺之以為首誅周公從魯聞急傳而問曰二子賢者也今日饗國殺之何也太公曰是昆弟立議曰不臣天子是望不得而臣也不友諸侯是望不得而使也耕而食之掘而飲之無求於人者是望不得以賞罰勸禁也且夫王之所以使其臣者非爵祿則刑罰也今四者不足以使之則望誰為君乎是以誅也尹諧潘止付里乙史付此七子者皆異世同心不可不誅也詩事跡並未聞也

曰憂心悄悄愠于羣小小人成羣斯足憂矣

詩邶風柏舟之篇悄悄

悄憂貌愠怒也

孔子為魯司寇有父子訟者孔子拘之三月不

別

別猶決也謂不辨別其子之罪

其父請止孔子舍之季孫聞之不悅

曰是老也欺子

使大夫之尊稱春秋左傳曰使國將不得為寡君老也

語子曰為

國家必以孝今殺一人以戮不孝又舍之冉子以告孔

子慨然歎曰嗚呼上失之下殺之其可乎不教其民而

聽其獄殺不辜也三軍大敗不可斬也獄犴不治不可

刑也罪不在民故也

獄犴不治謂法令不當也犴亦獄也詩曰宜犴宜獄獄字從二犬象

所以守者犴胡地野天亦善守故獄謂之犴也

慢令謹誅賊也

慢與慢同謹嚴也賊賊害人也

今有時斂也無時暴也

言生物有時而賦斂無時是陵暴也

不教而責成

功虐也已此三者然後刑可即也

即就

書曰義刑義殺

勿庸以即予維曰未有順事言先教也

書康誥言周公命康叔使以義

刑義殺勿用以就汝之心不使任其喜怒也維刑殺皆以義猶自謂未有使人可順守之事故有抵犯者自責其教之故先王既陳之以道上先服之

服行也謂先自行之然後教之

若不可尚賢以綦之若不可廢不能以單之

綦極也謂優寵也單

盡也盡謂黜削單或為殫

綦三年而百姓往矣

百姓從化極不過三年也

邪民不

從然後俟之以刑則民知罪矣

百姓既往然後誅其奸邪

詩曰尹氏

大師維周之氏秉國之均四方是維天子是庠卑民不

迷

詩小雅節南山之篇氏本也庠讀為毗輔也卑讀為俾

是以威厲而不試刑錯

而不用此之謂也

厲抗也試亦用也但抗其威而不今用也錯置也如置之於地不動也

之世則不然亂其教繁其刑其民迷惑而墮焉則從而

制之是以刑彌繁而邪不勝三尺之岸而虛車不能登

也百仞之山任負車登焉何則陵遲故也

岸崖也負重也任負車任

重之車也遲慢也陵遲言丘陵之勢漸慢也王肅云陵遲陂池也

數仞之牆而民不踰

也百仞之山而豎子馮而遊焉陵遲故也今夫世之陵

遲亦久矣而能使民勿踰乎詩曰周道如砥其直如矢

君子所履小人所視眷焉顧之潜然出涕豈不哀哉

詩小

雅大東之篇言失其砥矢之道
所以陵遲哀其法度隳壞也

詩曰瞻彼日月悠悠我

思道之云遠曷云能來

詩邶風雄雉之篇

子曰伊稽首不其有

來乎

稽首恭敬之至而有所不來者為上失其道而人散也若施德化使下人稽首歸向雖道遠能無來

乎孔子觀於東流之水子貢問於孔子曰君子之所以

見大水必觀焉者是何孔子曰夫水大徧與諸生而無

為也似德

徧與諸生謂水能徧生萬物為其不有其功似上德不德者說苑作徧與而無私者

其

流也埤下裾拘必循其理似義

埤讀為卑裾與裾同方也拘讀為鉤曲也其流

必就卑下或方或曲必循卑下之理似義者無不循理也說苑作其流也卑下拘裾之也情義分然也

其

洗洗乎不涇盡似道

洗讀為澼澼水至之貌涇讀為屈竭也似道之無窮也家語作浩浩

無屈盡之期似道也

若有決行之其應佚若聲嚮其赴百仞之谷

不懼似勇

決行決之使行也佚與逸同奔逸也若聲嚮言若嚮之應聲也似勇者果於赴難也主

量必平似法

主讀為注量謂坑受水之處也言所經坑坎注必平之然後過似有法度者均平也

盈不求概似正

概平斗斛之木也考工記曰概而不稅言水盈滿不待概而自平如政者不假

於刑法之禁

淖約微達似察

淖當為淖約弱也淖約柔弱也雖至柔弱而侵淫微通達於物

似察之見細微也說苑作淖弱微達

以出以入以就鮮絜似善化

言萬物出入於

水則必鮮絜似善化者之使人去惡就美也說苑作不清以入鮮絜以出也

其萬折也必東

似志

折縈曲也雖東西南北千萬縈折不常然必歸於東似有志不可奪者說苑作其折必東也

是

故君子見大水必觀焉孔子曰吾有耻也吾有鄙也吾

有殆也幼不能彊學老無以教之吾耻之

無才藝以教人也

去

其故鄉事君而達卒遇故人曾無舊言吾鄙之

舊言平生之言

卒倉忽反與小人處者吾殆之也孔子曰如埳而進吾與之

如丘而止吾已矣今學曾未如肫贅則具然欲為人師

肫贅結肉也莊子曰以生為負贅懸肫肫音尤具然自滿足之貌也

孔子南適楚厄於陳

蔡之間七日不火食藜羹不糲

糲與糲同蘇覽反

弟子皆有饑

色子路進問之曰由聞之為善者天報之以福為不善者天報之以禍今夫子累德積義懷美行之日久矣奚居之隱也

隱謂窮約

孔子曰由不識吾語汝汝以知者為必

用耶王子比干不見剖心乎汝以忠者為必用耶關龍逢不見刑乎汝以為諫者為必用耶伍子胥不磔姑蘇

東門外乎

磔車裂也姑蘇吳都名

夫遇不遇者時也賢不肖者材

也君子博學深謀不遇時者多矣由是觀之不遇世者衆矣何獨立也哉夫芷蘭生於深林非以無人而不芳

君子之學非為通也

不求通

為窮而不困憂而意不衰也

知禍福終始而心不惑也

皆為樂天知命

夫賢不肖者材也為

不為者人也

為善不為善在人

遇不遇者時也死生者命也今

有其人不遇其時雖賢其能行乎苟遇其時何難之有

故君子博學深謀修身端行以俟其時孔子曰由居吾

語汝昔晉公子重耳霸心生於曹

重耳晉文公名亡過曹曹共公聞其駢脅

使其躰浴薄而觀之公越王勾踐霸心生於會稽

謂以甲盾

因此激怒而霸心生也

五千棲於齊桓公小白霸心生於莒

小白齊桓公名齊亂奔莒蓋亦為所

不故居不隱者思不遠身不佚者志不廣佚家語作常逸者與逸同

謂奔竄也女庸安知吾不得之桑落之下桑落九月時也夫子當時蓋暴露居

此樹之下子貢觀於魯廟之北堂出而問於孔子曰鄉者賜

觀於太廟之北堂吾亦未輟還復瞻被九蓋皆繼彼有

說耶匠過絕耶北堂神主所在也輟止也九當為北傳寫誤耳被當為彼蓋音盡扇戶也皆繼

謂其材木斷絕相接繼也子貢問北蓋皆繼續彼有說耶匠過誤而遂絕之也家語作北蓋皆斷王肅云觀北

面之蓋皆斷絕也孔子曰太廟之堂亦嘗有說言舊曾說今則無也官致

良工因麗節文致極也官致良工謂初造太廟之時官致其良工工則因隨其木之美麗節文

而裁制之所以斷絕家語作官致良工
之匠匠致良材盡其功巧蓋貴文也
非無良材也蓋

曰貴文也

非無良材大木不斷絕者蓋所以
貴文飾也此蓋明夫子之博識也

子道篇第二十九

入孝出弟人之小行也

弟與悌同謂
自卑如弟子

上順下篤人之中

行也

上順從於君父下
篤愛於卑幼也

從道不從君從義不從父人之

大行也若夫志以禮安言以類使則儒道畢矣

志安於
禮不妄

動也言發以類不怪說也
如此則儒者之道畢矣

雖舜不能加毫末於是矣孝

子所以不從命有三從命則親危不從命則親安孝子

不從命乃衷

衷善也謂善發於衷心矣

從命則親辱不從命則親榮

孝子不從命乃義從命則禽獸不從命則脩飾孝子不

從命乃敬

從命則陷身於禽獸之行不從命則親為脩飾君子不從命是乃敬親

故可以

從而不從是不子也未可以從而從是不衷也明於從

不從之義而能致恭敬忠信端慤以慎行之則可謂大

孝矣傳曰從道不從君從義不從父此之謂也故勞苦

彫萃而能無失其敬

彫傷也萃與穎同雖勞苦彫萃而不敢懈惰失敬也

災禍患

難而能無失其義則不幸不順見惡而能無失其愛

不幸

以不順於親而見惡也

非仁人莫能行詩曰孝子不匱此之謂也

魯哀公問於孔子曰子從父命孝乎臣從君命貞乎三

問孔子不對

不敢違哀公之意故不對

孔子趨出以語子貢曰鄉者

君問丘曰子從父命孝乎臣從君命貞乎三問而丘不

對賜以為何如子貢曰子從父命孝矣臣從君命貞矣

夫子有奚對焉孔子曰小人哉賜不識也昔萬乘之國

有爭臣四人則封疆不削千乘之國有爭臣三人則社

稷不危百乘之家有爭臣二人則宗廟不毀父有爭子

不行無禮士有爭友不為不義故子從父奚子孝臣從

君奚臣貞審其所以從之之謂孝之謂貞也

審其可從則從不可

從則不從子路問於孔子曰有人於此夙興夜寐耕耘樹藝

手足胼胝以養其親然而無孝之名何也

樹栽植藝播種胼謂手足

勞胼併也胝皮厚也丁思反

孔子曰意者身不敬與辭不遜與色不

順與古之人有言曰衣與繆與不女聊

繆純繆也與讀為歟聊賴也言

雖與之衣而純繆不精則不聊賴於汝也或曰繆綢也言雖衣服我綢繆我而不敬不順則不賴汝也韓詩外傳作衣予教予家語云人與已不順歟也王肅云人與已事實通不相欺也皆與此不同也

今夙興

夜寐耕耘樹藝手足胼胝以養其親無此三者則何以
為而無孝之名也孔子曰由志之吾語汝雖有國士之
力不能自舉其身非無力也勢不可也

國士一國
勇力之士故入

而行不修身之罪也出而名不章友之過也故君子入

則篤行出則友賢何為而無孝之名也子路問於孔子

曰魯大夫練而牀禮耶孔子曰吾不知也

練外祥也禮
記曰期而小

祥居堊室寢有席又期而大祥
居復寢中月而禫禫而牀也

子路出謂子貢曰吾以

夫子為無所不知夫子徒有所不知子貢曰汝何問哉

子路曰由問魯大夫練而牀禮耶夫子曰吾不知也子貢曰吾將為汝問之子貢問曰練而牀禮耶孔子曰非禮也子貢出謂子路曰汝謂夫子為有所不知乎夫子徒無所不知汝問非也禮居是邑不非其大夫

懼於訕上子

路盛服見孔子孔子曰由是裾裾何也

裾裾衣服盛貌說苑作褻褻也

昔者江出於岷山其始出也其源可以濫觴及其至江之津也不放舟不避風則不可涉也

放讀為方國語曰方舟投汭韋昭曰

方並也編木為汭說苑作方舟方汭也詩云方之舟之

非維下流水多耶

維與唯同言豈

不以下流水多故人畏之耶言盛服色厲亦然也說苑作非下衆水之多乎

今汝服既盛顏

色充盈天下且孰肯諫汝矣

充盈猛厲也

由

告之畢又呼其召叮嚀之也

子路趨而出改服而入蓋猶若也

猶若舒和之貌禮記曰君子蓋猶猶爾也

孔子曰志之吾語汝奮於言者華奮於行者伐色知而

有能者小人也

奮振矜也色知謂所知見於顏色有能自有其能皆矜伐之意

故君子

知之曰知之不知曰不知言之要也能之曰能之不能

曰不能行之至也

皆在不隱其情

言要則知行至則仁既知且

仁夫惡有不足矣哉子路入子曰由知者若何仁者若

何子路對曰知者使人知己仁者使人愛己子曰可謂

士矣

士者修立之稱

子貢入子曰賜知者若何仁者若何子貢

對曰知者知人仁者愛人子曰可謂士君子矣顏淵入

子曰回知者若何仁者若何

知者皆讀為智

顏淵對曰知者自

知仁者自愛子曰可謂明君子矣子路問於孔子曰君

子亦有憂乎孔子曰君子其未得也則樂其意

樂其為治之意

既已得之又樂其治是以有終身之樂無一日之憂小人者其未得也則憂不得既已得之又恐失之是以有

終身之憂無一日之樂也

法行篇第三十

禮義謂之法所以行之謂之行

公輸不能加於繩聖人莫能加於禮

公輸魯巧人名班雖至巧繩墨之外

亦不能加也

禮者衆人法而不知聖人法而知之

衆人皆知禮可以為

法而不知其義者也

曾子曰無內人之疏而外人之親

無禁辭也內人之疏

外人之親謂以疏為內以親為外家語曰不比於親而此於疏者不亦遠乎韓詩外傳作無內疏而無外親也

無身不善而怨人無刑已至而呼天內人之疏而外人

之親不亦遠乎

謂失之遠矣

身不善而怨人不亦反乎

反謂乖悖

刑已至而呼天不亦晚乎詩曰涓涓源水不雖不塞轂

已破碎乃大其輻事以敗矣乃重太息其云益乎

源水水之

泉源也雖讀為壅大其輻謂壯大其輻也重太息

曾子

嘆嗟之甚也三者皆言不慎其初追悔無及也

病曾元持足曾子曰元志之吾語汝

曾元曾子之子也

夫魚鼈

鼃鼃猶以淵為淺而堀其中

堀與窟同

鷹鳶猶以山為卑而

增巢其上及其得也必以餌故君子苟能無以利害義

則耻辱亦無由至矣子貢問於孔子曰君子之所以貴

玉而賤珉者何也

珉石之似玉者

為夫玉之少而珉之多耶孔

子曰惡賜是何言也

惡音烏猶言烏謂此義也

夫君子豈多而賤之

少而貴之哉夫王者君子比德焉溫潤而澤仁也

鄭康成云

色柔溫潤似仁 鎮栗而理知也

鄭云栗堅貌也理有文理似智者處事堅固又有文理

堅

剛而不屈義也

似義者剛直不回也

廉而不剝行也

剝傷也雖有廉稜而不傷

物似有德行者不傷害人

折而不撓勇也

雖摧折而不撓屈似勇者也

瑕適並見

情也

瑕王之病也適玉之美澤調適之謂也瑕適並見似不匿其情者也禮記曰瑕不掩瑜瑜不掩瑕忠

也扣之其聲清揚而遠聞其止輟然辭也

扣與叩同似有辭辨言發

言則人樂聽之言畢更無繁辭也禮記作叩之其聲清越以長其終屈然樂也

故雖有珉之彫

彫不若玉之章章

彫彫謂彫飾文采也章章素質明著也

詩曰言念君子

溫其如玉此之謂也

詩秦風小戎之篇引之喻君子比德

曾子曰同遊而

不見愛者吾必不仁也

仁者必能使他人愛已

交而不見敬者吾必

不長也

不長厚故為人所輕

臨財而不見信者吾必不信也

廉潔不聞

於人三者在身曷怨人

當反

怨人者窮怨天者無識

無識不知

天命也

失諸已而反諸人豈不亦迂哉南郭惠子問於子

貢曰夫子之門何其雜也

南郭惠子未詳其姓名蓋居南郭因為號莊子有南郭

子綦夫子弟子也雜謂賢不肖相雜而至

子貢曰君子正身以俟欲來者不

距欲去者不止且夫良醫之門多病人槩枯之側多枉

木是以雜也君子有三恕有君不能事有臣而求其使

非恕也有親不能報有子而求其孝非恕也

報孝養也詩曰欲報

德之有兄不能敬有弟而求其聽令非恕也士明於此三

恕則可以端身矣孔子曰君子有三思而不可不思也

少而不學長無能也老而不教死無思也

無門人有而思其德

不施窮無與也

窮乏之時無所往託

是故君子少思長則學老思

死則教有思窮則施

哀公篇第三十一

魯哀公問於孔子曰吾欲論吾國之士與之治國敢問

何如之耶孔子對曰生今之世志古之道居今之俗服

古之服志記識也服古之服猶若夫子服逢掖之衣章甫之冠也舍此而為非者不

亦鮮乎舍去此謂古也哀公曰然則夫章甫約屨紳而搢笏者

此賢乎章甫殷冠王肅云約謂屨頭有拘飾也鄭康成云約之言拘也以為行戒狀如刀衣鼻在屨頭

紳大帶也搢笏於紳者也孔子對曰不必然夫端衣玄裳纁而乘路

者志不在於食葷端衣玄裳即朝玄端也纁與冕同鄭云端者取其正也士之衣袂皆二尺

二寸而廣幅是廣袞等也其袼尺二寸大夫已上侈之侈之者蓋半而益一馬則袼三尺三寸袼尺八寸路王

者之車亦車之通名爾雅云輅車之大者輦蔥薤之屬也斬袞管屨杖而啜粥者志

不在於酒肉

儀禮喪服曰斬者何不緝也袞長六尺博四寸三升布為之鄭注喪服云上曰袞下

曰裳當心前有袞後有負板左右有辟領孝子哀戚無所不在也管菲也此言服被於外亦所以制其心也

生今之世志古之道居今之俗服古之服舍此而為非

者雖有不亦鮮乎哀公曰善孔子曰人有五儀

言人之賢愚觀

其儀法有五也

有庸人有士有君子有賢人有大聖哀公曰敢

問何如斯可謂庸人矣孔子對曰所謂庸人者口不能

道善言心不知色色

色色謂以己之色觀彼之色其好惡也論語曰色斯舉矣

不

知選賢人善士託其身焉以為已憂

不知託賢但自憂而已

勤行

不知所務止交不知所定

交謂接待於物皆言不能辨是非能失操也

日選

擇於物不知所貴

不知可貴重也

從物如流不知所歸

為外物所誘蕩

而不五鑿為正心從而壞如此則可謂庸人矣

五鑿謂五鑿竅也

耳目鼻口及心之竅也言五鑿雖似於正而其心已從外物所誘而壞矣是庸愚之人也一曰五鑿五情也莊子曰六鑿相攘司馬彪曰六情相攘奪韓詩外傳作五藏為正也

哀公曰善敢問何如

斯可謂士矣孔子對曰所謂士者雖不能盡道術必有

率也雖不能徧美善必有處也

率循也雖不能盡徧必循處其一隅言有所執

守是故知不務多務審其所知

論語曰子路有聞未之能行唯恐有聞也言

不務多務審其所謂

止於辨明事而已矣

行不務多務審其所由

由從也謂不從不正之道故知既已知之矣言既已謂之矣行既已

由之矣則若性命肌膚之不可易也

言固守所見如愛其性命肌膚之不可

可以他物移易者也

故富貴不足以益也卑賤不足以損也

皆謂志不

奪如此則可謂士矣

士者修立之稱一曰士事也言其善於任事可以入官也

哀公

曰善敢問何如斯可謂君子矣孔子對曰所謂君子者

言忠信而心不德

不自以為有德

仁義在身而色不伐思慮明

通而辭不爭故猶然如將可及者君子也

猶然舒遲之貌所謂瞻之

在前忽然在後家語作油然王肅曰不進貌也

哀公曰善敢問何如斯可謂賢

人矣孔子對曰所謂賢人者行中規繩而不傷於本言

足法於天下而不傷於身

本亦身也言雖廣大而不傷其身也所謂言滿天下無口

過行滿天下無怨惡

富有天下而無怨財

富有天下謂王者之佐也怨讀為蘊言雖富有

天下而無蘊畜私財也家語作無宛禮記曰事大積焉而不宛古蘊苑通而此因誤為怨字耳

布施天

下而不病貧

言廣施德澤慈惠困窮使家給人足而上不憂貧乏所謂百姓足君孰與不足也

如此則可謂賢人矣

賢者亞聖之名說文云賢多才

哀公曰善敢問何

如斯可謂大聖矣孔子對曰所謂大聖者知通乎大道

應變而不窮辨乎萬物之情性者也

辨別萬物之情性也

大道者

所以變化遂成萬物也情性者所以理然不取舍也

情辨

性乃能理是非之取舍而不惑

是故其事大辨乎天地

其事謂聖人所理化之事言辨

別萬事亦如天地之別萬物各使區分也

明察乎日月

聖人之明察如日月

總要萬物

於風雨

總要猶統領也風以動之雨以潤之

繆繆肫肫其

事不可循

繆當為膠相加之貌莊子云膠膠擾擾肫與詵同雜亂之貌爾雅云詵詵亂也言聖人治

萬物錯雜膠膠訥訥然
而衆人不能循其事

若天之嗣其事不可識

嗣繼也言聖人

如天之繼嗣衆人不能識其意

百姓淺然不識其鄰

鄰近也百姓淺見不能識其所近况

能識其深乎所謂日用而不知者也

若此則可謂大聖矣哀公曰善魯哀

公問舜冠於孔子孔子不對

哀公不問舜德徒問其冠故不對也

三問不

對哀公曰寡人問舜冠於子何以不言也孔子對曰古

之王者有務而拘領者矣其政好生而惡殺焉

務讀為冒拘與

句同曲領也言雖冠衣拙朴而行仁政也尚書大傳曰古之人衣上有冒而句領者鄭康成注云言在德不在

服也古之人三皇時也冒覆項也句領繞頸也禮正服方領也

是以鳳在列樹麟在郊

野烏鵲之巢可俯而窺也。君不此問而問舜冠，所以不
對也。魯哀公問於孔子曰：「寡人生於深宮之中，長於婦
人之手，寡人未嘗知哀也，未嘗知憂也，未嘗知勞也，未
嘗知懼也，未嘗知危也。」孔子曰：「君之所問，聖君之問也。
丘，小人也，何足以知之？」曰：「非吾子無所聞之也。」孔子曰：「
君入廟門而右，登自阼階，仰視椽棟，俛見几筵，其器存，
其人亡。君以此思哀，則哀將焉不至矣。」
謂祭祀時也。昨與作同。椽亦椽。

也。哀將焉不至，言必至也。

君昧爽而櫛冠。

昧，闇也。爽，明也。謂初曉尚暗之時。

平明而

聽朝一物不應亂之端也君以此思憂則憂將焉不至
矣君平明而聽朝日昃而退諸侯之子孫必有在君之
末庭者君以此思勞則勞將焉不至矣

諸侯之子孫謂
奔亡至魯而仕

者自平明至日昃在末庭而修臣禮君若思其勞則勞
可知也以喻哀公亦諸侯之子孫不戒懼修德亦將有

此奔亡
之勞也君出魯之四門以望魯四郊亡國之虛則必有

數蓋焉

虛讀為墟有數蓋焉猶言蓋有數焉
言之耳新序作亡國之墟列必有數矣

君以此

思懼則懼將焉不至矣且丘聞之君者舟也庶人者水
也水則載舟水則覆舟君以此思危則危將焉不至矣

魯哀公問於孔子曰紳委章甫有益於仁乎

紳大帶也委委貌周

之冠也章甫殷冠也鄭注儀禮云委安也所以安正容貌章表明也殷質言所以表明大夫也

孔子蹴

然曰君號然也

莊子音義崔譔云蹴然髮色之貌號讀為胡聲相近字遂誤耳家語作君胡然

也資衰苴杖者不聽樂非耳不能聞也服使然也

資與齊同

苴竹杖也苴謂蒼白色自死之竹也

黼衣黻裳者不如葷非口不能味也

服使然也

黼衣黻裳祭服也白與黑為黼黑與青為黻禮祭致齊不如葷非不能味謂非不能知味

也鄭注周禮司服云冕者衣裳刺繡而已

且丘聞之好肆不守折長者不

為市竊其有益與其無益君其知之矣

好喜也言喜於市肆之人不使

所守貨財折耗而長者亦不能為此市井盜竊之事長者不為市而販者不為非也家語王肅注云言市肆弗能為廉好肆則不折也人為市估之行則不守折人為長者之行則亦不為市買之事竊宜為察察其有益與其無益以竊

魯哀公問於孔子曰請問取人之術也孔

子對曰無取健健義之人無取詘未詳家語作無取詘王肅云謂妄對不謹誠者或曰

捷給鉗人無取口哼哼與諄同方言云齊魯凡相疾惡謂之諄憎諄之閏反王肅云哼哼

多言或曰詩云誨爾諄諄口諄謂口教誨心無誠實者諄諄倫也健貪也詘亂也口哼

誕也健美之人多貪欲詘忌之人多悖亂讒疾之人多妄誕說苑曰哀公問於孔子曰人何若為可取也

孔子曰無取詘者無取捷者無取口叡者詘者太給利不可盡用也捷者必兼人不可為法也口叡者多誕而

寡信後恐不驗也韓詩外傳曰無取健無取佞無取口讒健驕也佞諂也口讒誕也皆大同而小異故弓

調而後求勁焉馬服而後求良焉士信慤而後求知能

焉士不信慤而有多知能譬之其豺狼也不可以身余

也有讀為又語曰桓公用其賊文公用其盜謂管仲寺人勃鞞也

盜亦賊也以喻士信慤則仇故明主任計不信怒閭主

信怒不任計信亦任也計勝怒者彊怒勝計者亡定公問於

顏淵曰東野子之善馭乎東野氏也馭與御同顏淵對曰善則善

矣雖然其馬將失失讀為逸奔也下同定公不悅入謂

家語作馬將佚也

左右曰君子固讒人乎三日而校來謁之曰東野畢之

馬失

校人掌養馬之官也

兩驂列兩服入廐

兩服馬在中兩驂兩服之外馬列與裂同

謂外馬譬裂中馬牽引而入廐

定公越席而起曰趨駕召顏淵顏淵至

趨請為促速也

定公曰前日寡人問吾子吾子曰東野畢之馭

善則善矣雖然則馬將失不識吾子何以知之顏淵對

曰臣以政知之昔舜巧於使民而造父巧於使馬舜不

窮其民造父不窮其馬是舜無失民造父無失馬也今

東野畢之馭上車執轡銜體正矣步驟馳騁朝禮畢矣

銜體銜輿馬體也步驟馳騁盡禮畢矣謂調集其馬或步驟馳騁盡朝廷之禮也 歷險致遠馬

力盡矣然猶求馬不已是以知之也定公曰善可得少

進乎定公更請少進其說 顏淵對曰臣聞之鳥窮則啄獸窮則攫

人窮則詐自古及今未有窮其下而能無危者也

堯問第三十二

堯問於舜曰我欲致天下為之奈何恐天下不歸故欲致而取之也 對

曰執一無失行微無怠忠信無倦而天下自來執一專意也行

微行細微之事也言精專不怠而天下自歸不必致也 執一如天地如天地無行變易時也

微如日月

日月之行人所不見似於細微安徐然而出無急止之時也

忠誠盛於內

責於外形於四海

責飾也形見也禮記曰富潤屋德潤身心廣體胖故君子必誠其意也

天下其在一隅耶夫有何足致也

夫物在一隅者則可舉而致之今有道天

下盡歸不在於一隅焉用致也有讀為文

魏武侯謀事而當羣臣莫能逮退

朝而有喜色

武侯晉大夫畢萬之後文侯之子也

吳起進曰亦常有以楚

莊王之語聞於左右者乎武侯曰楚莊王之語何如吳

起對曰楚莊王謀事而當羣臣莫逮退朝而有憂色申

公巫臣進問曰王朝而有憂色何也

巫臣楚申邑大夫也

莊王曰

不穀謀事而當羣臣莫能逮是以憂也其在中歸之言

也

中歸與仲虺同湯左相也

曰諸侯自為得師者王得友者霸得疑

者存自為謀而莫已若者亡

疑謂博聞達識或決疑惑者

今以不穀

之不肖而羣臣莫吾逮吾國幾於亡乎是以憂也楚莊

王以憂而君以憇武侯逡巡再拜曰天使夫子振寡人

之過也

振舉

伯禽將歸於魯

伯禽周公子成王封為魯侯將歸謂初之國也

周公

謂伯禽之傅曰汝將行盍志而子美德乎

將行何不忘記汝所傳之

子美德對曰其為人寬好自用以慎

寬寬弘也自用好以言我對曰其為人寬好自用以慎自務其用也慎謹

密此三者其美德也已周公曰嗚呼以人惡為美德乎

君子好以道德故其民歸道

君子好以道德教人故其民歸道者衆非謂寬弘也

彼其寬也出無辨矣汝又美之

彼伯禽既無道德但務寬容此乃出於善惡無

別汝何以為美也孔子曰寬則得衆亦謂人愛悅歸之也

彼其好自用也是所以窶

小也

窶無禮也彼伯禽好自用而不諮詢是乃無禮驕人而器局小也書曰自用則小尚書大傳曰是其

好自用也以欲益之也

君子力如牛不與牛爭力走如馬不與馬

爭走知如士不與士爭知

士謂臣下掌事者不爭言委任

彼爭者均者

之氣也汝又美之

好自用則必不委任而與之爭事爭事乃均敵者尚氣之事非人君之量

也彼其慎也是其所以淺也

適彼伯禽之慎密不廣接士

聞之曰無越踰不見士

周公聞之古也越踰謂過一日也

見士問曰無

乃不察乎

懼其壅蔽故問無乃有不察之事乎

不聞即物少至少則淺

物事也不見士則無所聞無所聞則所知之事亦少少則意淺矣聞或為問也彼淺者賤人之

道也汝又美之吾語汝我文王之為子

為文王之子也

武王之

為弟成王之為叔父

周公先成王薨未知成王之謚此云成王乃後人所加之耳

吾

於天下不賤矣然而吾所執贄而見者十人

周公自執贄而見者

十人禮見其所尊敬者雖君亦執贄故哀公執贄請見周豐鄭注尚書大傳云十人公卿之中也三十人羣士

之中也百人羣

還贄而相見者三十人

禮臣見君則不還贄敵者不敢

當則還之禮尚往來也士相見禮曰主人復見之以其贄曰歸者吾夫子辱使某見請還贄於將命者鄭康成云贄者所執以至也君子見於貌執之士者百有餘人所尊敬必執贄以將其厚意也貌執之士者百有餘人執猶待也以禮貌接待之士百餘人也欲言而請畢事者千有餘人

謂卑賤之

士恐其言之不盡周公先請其卑辭也說苑曰周公踐天子之位七年布衣之士所執贄而師見者十人所見者十二人窮巷白屋所先見者四十九人於是吾僅得三人時進善者百人教士千人朝者萬人

士焉以正吾身以定天下

於是千百人之中僅乃得三士正身治國

吾所以

得三士者亡於十人與三十人中乃在百人與千人之

中

十人與三十人雖尊敬未得賢至百人千人故上士
然後乃得三人以明接士不廣無由得賢也

吾薄為之貌下士吾厚為之貌

上士中誠重之故可薄為之貌下士既無執贊

之禮懼失賢士之心故厚為之貌尤加謹敬也

人人皆以我為越踰好士然故

士至

人不知則以為越踰然亦以禮貌之故而至也

士至而後見物

物事也

見物

然後知其是非之所在戒之哉汝其以魯國驕人幾矣

幾危也周公言我以天下之貴猶不驕士汝今以魯國之小而遂驕人危矣

夫仰祿之士猶

可驕也

仰魚亮反

正身之士不可驕也彼正身之士舍貴而

為賤舍富而為貧舍佚而為勞顏色黎黑而不失其所

黎讀為梨謂面如梨之色者也 是以天下之紀不息文章不廢也

守賴

道之士不苟徇人故得綱紀文章尚存也

語曰繒丘之封人

繒與鄆同鄆丘故國封人掌疆

界者漢書地理志繒縣屬東海

見楚相孫叔敖曰吾聞之也處官久者

士妬之祿厚者民怨之位尊者君恨之今相國有此三

者而不得罪楚之士民何也孫叔敖曰吾三相楚而心

愈卑每益祿而施愈博位滋尊而禮愈恭是以不得罪

於楚之士民也子貢問於孔子曰賜為人下而未知也

下謙下也子貢問欲為下未知其益

孔子曰為人下者其猶土也深扣之

而得甘泉焉

相掘也故沒反

樹之而五穀蕃焉草木殖焉禽獸

育焉生則立焉死則入焉多其功而不息為人下者其

猶土也昔虞不用宮之奇而晉并之萊不用子馬而齊

并之

宮之奇虞賢臣諫不從以其族行子馬未詳其姓名左氏傳曰襄二年齊侯伐萊萊人使正與子賂

夙沙衛以索馬牛皆百匹又六年齊侯伐萊萊人使王湫帥師及正與子軍齊師齊師大敗之遂滅萊或曰正與子字子馬其不用未聞說苑諸卿已諫楚莊王曰曹不用僖負羈而宋并之萊不用子猛而齊并之據年代齊滅萊在楚莊王之後

紂剗王子比干而武王得之不

未詳諸卿已之諫也

親賢用知故身死國亡也

為說者曰孫卿不如孔子是不然也孫卿迫於亂世鱗
於嚴刑上無賢主下遇暴秦禮義不行教化不成仁者
紂約天下冥冥行全刺之諸侯大傾當是時也知者不
得慮能者不得治賢者不得使故君上蔽而無覩賢
人距而不受然則孫卿將懷聖之心蒙佯狂之色視天
下以愚詩曰既明且哲以保其身此之謂也是其所以
名聲不白徒與不衆光輝不博也今之學者得孫卿之
遺言餘教足以為天下法式表儀所存者神所遇者化

觀其善行孔子弗過世不詳察云非聖人奈何天下不治孫卿不遇時也德若堯禹世少知之方術不用為人所疑其知至明修道正行足以為綱紀嗚呼賢哉宜為帝王天地不知善桀紂殺賢良比干剖心孔子拘匡接輿避世箕子佯狂田常為亂闔閭擅彊為惡得福善者有殃今為說者又不察其實乃信其名時世不同譽何由生不得為政功安能成志修德厚孰謂不賢乎

自為說者

已下咸荀卿弟子之辭也

荀子卷二十

謹案卷十八第五頁前四行橫草直成未聞刊本

脫成字据困學紀聞引荀子注增

第五頁後一行子冥立刊本冥訛寔据史記改

第六頁後八行水虞於是乎禁罍麗刊本禁下衍

置字据國語刪又罍訛罍据說文改

第十頁後一行鉅大也刊本大訛人今改

第十一頁前五行幽深反按反字疑衍

第十二頁前三行請占之五帝按困學紀聞引建

本荀子作五泰此作五帝乃從唐仲友台州刊
本附識於此

第十三頁後二行加之以絃縱刊本絃訛統据國
語改

第十四頁前六行北方謂之地螻刊本地訛地据
說文改

第十五頁前六行黃帝時人刊本人訛也今改

卷十九第六頁前六行後易之以玉為也刊本為

訛焉据世德堂本改

第十八頁後二行填如謂土填塞也刊本如上填
字脫今改

第二十頁後五行或讀為姐伺也按二句似有脫
誤

卷二十第十頁前行方舟投汭刊本汭訛附据
國語改又按國語投汭作設汭此作投與管子
兵法篇同


第十頁後五行謂所知見於顏色刊本於訛知今

改

第十六頁後六行言辨別萬事刊本事字重出今

刪





總校官庶吉士臣侍 朝

校對官助教臣金學詩

謄錄監生臣觀音保